

«In onn normal», mo tuttina in tschuat activitads»

Societad Retorumantscha 2011

■ (anr/gc) Quai è il facit ch'il president da la Societad Retorumantscha, Cristian Collenberg, ha tratg venderdi saira a chaschun da la radunanza annuala a Cuira per la SRR 2011. Igl è stà ina sentupada dal tuttafatg en l'ensaina da la suandanta preschentaziun dal nov Lexicon Romontsch Cumparativ dad *Alexi Decurtins* ed edi da la SRR.

Prestà blera lavur

Davairas, il rapport presidial enumerescha ina lunga e vasta acziun. En emprima lingia èsi las usitadas publicaziuns da la SRR. Sper il Dicziunari Rumantsch Grischun (DRG) s'audan era las Annalas – cun in volumen da 440 paginas – tar las ediziuns obligatorias da l'onn. En la retscha Romanica Raetica èn dus toms cumparids: tom 19 cun l'ovra d'*Andri Peer* ed il tom 20 cun plects e scrittiras da *Jon Pult*.

Menziunada vegn era la realisaziun dals registers electronics En l'arcun digital èn ussa tant las Annalas sco las Funtaunas da dretg accessiblas. En collavuraziun cun la Biblioteca chantunala han duas exposiziuns spezialas gi lieu: ina ha dà invista en ils stgazis dal DRG e l'autra davart las «Canzuns ord il relasch d'Alfons Maisen». L'Institut dal DRG s'audia tranter las instituziuns da perscrutaziun renconuschidas e specificas da noss chantun. Da preschent èn 11 personas occupadas en piazza permanenta tar il DRG sut il chaurredactur *Carli Tomaschett*. Durant l'onn passà èn era dus fascichels dubels (Maria



Cristian Collenberg, il parsura da la Societad Retorumantscha.

FOTO. M. CABALZAR

– massa II) cumparids ed occupan las paginas 257 fin 512 dal tom 13.

Quint prest gulivà

Sulet tras il sustegn finanziel da la confe-

deraziun – sur la ASSMS – po la SRR cuntanscher sias finamiras. L'onn passà èsi vegni da quella vart pli ch'in milliun e contribuziuns dal chantun tut en tut da 130 000 francs. Las entradas totalas

muntan – tenor il cassier *Roman Sgier* – ad 1,25 milliuns. Las expensas – las pli grondas èn ils custs per il persunal – èn be per 1550 francs pli autas. Ins po pia discurre d'in quint equilibrà. Per l'auter onn è dentant previs in manco da bun 20 000 francs.

Confirmà

Quest onn èsi stà da far tschernas per il proxim trienni. I n'ha dà naginas demissiuns. La suprastanza da la SRR cumpiglia 16 commembers cun a la testa: *Cristian Collenberg*, president, *Chasper Pult*, vice, e *Roman Sgier*, cassier. Reelegi ha la SRR era ses delegads tar la Lia Rumantscha (LR): *Cristian Collenberg*, *Roman Caviezel*, *Gion Lechmann* e *Carli Tomaschett* che vegnan en curt a sa participar tar l'eleziun dal nov president tar la LR. Per quest post vacant na fa la SRR sco uniun surregionala naginas propostas per candidats.

A la fin da la radunanza annuala da la SRR, vegnida manada speditivamain, ha il parsura communitgà che la SRR fetschia uss era part da l'Academia Raetica che represchenta ils interess dals instituts scientifics dal Grischun. – Suentar la curta radunanza da la SRR è la sala da la Biblioteca chantunala s'emplenida sin il davos plaz per assister a la preschentaziun dal Lecziunari Rumantsch Cumparativ. In grond mument ed eveniment era per la SRR che ha merits considerabels per l'edizium da quel.